

Sarkina Bt Mat Saad @ Shaari

From: Unit Komunikasi Korporat
Sent: Saturday, November 10, 2018 12:12 PM
To: UUM - All Staff; UUM - All Students
Cc: Staf - Pesara UUM
Subject: Warga Universiti Perlu Berani Berubah Jadi Komuniti Miliki Gagasan Baharu



Unit Komunikasi Korporat
CORPORATE COMMUNICATION UNIT
Universiti Utara Malaysia

10 NOVEMBER 2018 / 02 RABIULAWAL 1440H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee
Gambar oleh: Muhammad Shamsul Shafie

WARGA UNIVERSITI PERLU BERANI BERUBAH JADI KOMUNITI MILIKI GAGASAN BAHARU



UUM ONLINE: Warga universiti disarankan untuk berani berubah menjadi sebuah komuniti yang mempunyai gagasan baharu.

Menteri Besar, Dato' Seri Mukhriz Tun Mahathir berkata, perubahan itu adalah supaya mereka dapat memberikan harapan jelas terhadap masa depan generasi muda.

Menurutnya, Malaysia telah memasuki fasa yang baharu, justeru gaya pemikiran dan cara bertindak juga perlu berubah selaras dengan kehendak semasa.

Katanya, bagi melahirkan generasi pemuda yang menjadi harapan kepada negara Malaysia baharu, universiti memainkan peranan penting dalam melahirkan generasi mahasiswa yang berketerampilan, mempunyai daya kepimpinan yang hebat dan holistik.

"Dalam melahirkan generasi baharu ini, kita perlu memastikan mahasiswa universiti mempunyai kebebasan dalam mengutarakan pandangan, kebebasan dalam mengetengahkan bakat, menampilkan gaya kepimpinan serta bebas untuk melaksanakan sesuatu mengikut cara yang baharu.

"Saya amat berharap agar mahasiswa UUM dan graduan dapat memberikan sokongan sebagai penyumbang kepada gagasan Malaysia baharu," katanya pada Majlis Perasmian Pesta Konvokesyen Ke-31 UUM, semalam.

Beliau juga berkata, dengan adanya Pesta Konvokesyen itu, ahli keluarga dan rakan graduan yang datang dari jauh dan dekat dapat merasai kegemilangan dalam meraikan kejayaan graduan.

Pada masa sama, beliau juga berharap UUM akan turut terlibat dalam projek pembangunan di Bukit Kayu Hitam yang mendapat peruntukan dalam Bajet 2019 yang dibentangkan baru-baru ini.

Sementara itu, Naib Canselor, Prof. Dr. Ahmad Bashawir Abdul Ghani berkata, Pesta Konvokesyen merupakan wadah penting yang memberi ruang dan peluang untuk warga UUM khususnya mahasiswa untuk bekerjasama dan mengamalkan pengurusan sistematik sebagai satu pasukan kerja yang cemerlang.

Menurutnya, elemen keusahawanan dan nilai-nilai sosial, budaya serta seni penting dalam pembangunan holistik untuk melahirkan mahasiswa UUM yang kreatif.

"Ringkasnya, pembangunan sahsiah, penerapan nilai-nilai kepimpinan yang dilahirkan dalam pesta konvo ini sangat relevan bagi mengimbangi keperluan akademik dan bukan akademik dalam kalangan mahasiswa.

"Saya berharap agar tradisi dan kaedah yang digunakan oleh UUM dalam melatih pelajar untuk menguruskan program utama universiti dapat dimanfaatkan," katanya.

Pesta Konvokesyen (Peskon) berlangsung mulai 8 hingga 15 November ini menyediakan 130 lot jualan dan pameran serta pelbagai aktiviti dijalankan yang turut melibatkan golongan pelajar UUM.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
☎ 04-928 3053
✉ ukkuum@uum.edu.my
f Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.